

四庫全書

集部

欽定四庫全書

御定全唐詩卷二百八十八

陸贄

陸贄字敬輿嘉興人登進士第中博學宏詞調鄭尉罷歸復以書判拔萃補渭南尉德宗立由監察御史召為翰林學士貞元八年拜中書侍郎同平章事裴延齡構之貶忠州別駕順宗立召還詔未至卒贈兵部尚書謚曰宣集二十七卷今存三首

曉過南宮聞太常清樂

南宮聞古樂拂曙聽初驚
煙靄遙迷處絲桐暗辨名
節隨新律改聲帶緒風輕
合雅將移俗同和自感情
遠音兼曉漏餘響過春城
九奏明初日寥寥天地清

禁中春松

陰陰清禁裏蒼翠滿春松
雨露恩偏近陽和色更一作正

濃高枝分曉日

一作月

虛吹

一作靈韻

雜宵鐘香助鑪煙遠形

疑蓋影重願符千載

一作歲

壽不羨五株封儻

一作長

得

迴天眷全勝老碧峰

賦得御園芳草

陰陰御園裏
瑤草日光長
霍靡含煙霧
依稀帶夕陽
雨餘萋更密
風暖蕙初香
擁仗緣馳道
乘輿入建章
濕煙搖不散
細影亂無行
恒恐韶光晚
何人辨早芳

句

遶堦流瀼瀼
來砌樹陰陰

任江淮尉題
廳見語林

張濛

張濛與陸贄同時詩一首

曉過南宮聞太常清樂

玉珂經禮寺金奏過南宮
雅調乘清曉飛聲向遠空
慢隨飄去雪輕逐度來風
迥出重城裏傍聞九陌中
應將肆夏比更與五英同
一聽南薰曲因知大舜功

常沂

常沂與陸贄同時詩一首

禁中春松

映殿松偏好森森列禁中攢柯霑聖澤踈蓋引皇風
晚色連秦苑春香滿漢宮操將金一作真石固材與直臣同

翠影宜青瑣蒼枝秀碧空還知沐天眷千載更蔥龍

周存

周存與陸贄同時詩二首

禁中春松

幾歲含貞節青青禁中日華留偃蓋雉尾轉春風不
為繁霜改那將衆木同千條攢翠色百尺澹晴空影密

金莖近花明鳳沼通安知幽澗側獨與散樗叢

西戎獻馬

天馬從東道皇威被遠戎來參八駿列不假貳師功影
別流沙路嘶流上苑風望雲時蹠足向月每爭雄稟異
才難狀標奇志豈同驅馳如見許千里一朝通

黎逢

黎逢登大歷十二年進士第詩二首

小苑春望宮池柳色

上林新柳變小苑暮天晴始望和煙密遙憐拂水輕色
承陽氣暖陰帶御溝清不厭隨風弱仍宜向日明垂絲
遍閣榭飛絮觸簾旌漸到依依處思聞出谷鶯

首夏猶清和

一作張
聿詩

早夏宜初景和光起禁城祝融將御節炎帝啟朱明日

送殘花晚

一作日映
林花麗

風過

一作
高風

御苑清郊原浮麥氣池

沼發荷英樹影臨山動

一作
爽

禽飛入漢輕幸逢堯禹化

全勝谷中情

張昔

張昔大歷進士第詩一首

小苑春望宮池柳色

小苑春初至皇衢日更清遙分萬條柳迥出九重城隱
映龍池潤參差鳳闕明影宜宮雪曙色帶禁煙晴深淺
殘陽變高低曉吹輕年光正堪折欲寄一枝榮

丁位

丁位大歷進士第詩一首

小苑春望宮池柳色

小苑宜春望宮池柳色輕低昂含曉景紫轉帶新晴似
蓋芳初合如絲蔭漸成依依連水暗媚媚出牆明雖以
陽和發能令旅思生他時花滿路從此接遷鶯

元友直

元友直結之子大厯進士詩一首

小苑春望宮池柳色

柳色新池遍春光御苑晴葉依青閣密條向碧流傾路

欽定四庫全書

御定全唐詩
卷二百八十八

五

暗陰初重波搖影轉清風從垂處度煙就望中生斷續
游蜂聚飄颻戲蝶輕怡然變芳節願及一枝榮

楊系

楊系大厯進士第詩一首

小苑春望宮池柳色

勝游從小苑宮柳望春晴拂地青絲嫩縈風綠帶輕光
含煙色遠影透水文清玉笛吟何得金閨畫豈成皇風
吹欲斷聖日映逾明願駐高枝上還同出谷鶯

崔績

崔績大厯進士第詩一首

小苑春望宮池柳色

帝京春氣早御柳已先榮嫩葉隨風散浮光向日明悠
揚生別意斷續引芳聲積翠連馳道飄花出禁城柔條
依水弱遠色帶煙輕南望龍池畔斜光照晚晴

張季畧

張季畧大厯進士第詩一首

欽定四庫全書

御定全唐詩
卷二百八十八

六

小苑春望宮池柳色

韶光歸漢苑柳色發春城半見離宮出纔分遠水明青
蔥當淑景隱映媚新晴積翠煙初合微黃葉未生迎春
看尚嫩照日見先榮儻得辭幽谷高枝寄一名

裴達

裴達大厯進士第詩一首

小苑春望宮池柳色

勝遊經小苑閒望上春城御路韶光發宮池柳色輕乍

濃含雨潤微澹帶雲晴
幕壓殘煙斂搖揚落照明
幾條
垂廣殿數樹影高旌
獨有風塵客思同雨露榮

裴達

裴達大厯進士第詩一首

南至日太史登臺書雲物

圓丘纔展禮佳氣近初分
太史新簪筆高臺紀彩雲
煙空和縹緲曉色共氤氲
道泰資賢輔年豐荷聖君
恭惟
司國瑞兼用察人一作天
文應念懷鉛客終朝望碧霄

沈迴

沈迴大歷進士第詩一首

小苑春望宮池柳色

今來游上苑春染柳條輕濯濯方含色依依若有情分
行臨曲沼先發媚重城拂水枝偏弱搖風絲已生變黃
隨淑景吐翠逐新晴佇立徒延首裴回欲寄誠

御定全唐詩卷二百八十八

欽定四庫全書

御定全唐詩卷二百八十九

楊憑

楊憑字虛受弘農人與弟凝凌皆工文辭大厯中踵擢
進士第時稱三楊憑重交游尚氣節與穆質許孟容李
鄘相友善號楊穆許李歷事節度府召為監察御史累
拜京兆尹與李夷簡素有隙因摘發他罪欲抵以死憲
宗以憑治京兆有績但貶臨賀尉俄徙杭州長史以太

子詹事卒詩一卷

長安春夜宿開元觀

霓裳下晚煙留客杏花前
徧問人寰事新從洞府天
長松皆掃月老鶴不知年
為說蓬瀛路雲濤幾處連

晚泊江戍

旅櫂依遙戍清湘急晚流
若為南浦宿逢此北風秋
雲月孤鴻晚闕山幾路愁
年年不得意零落對滄洲

巴江雨夜

五嶺天無雁三巴客問津紛紛輕漢暮漠漠暗江春
青草連湖岼繁花憶楚人芳菲無限路幾夜月明新

邊塞行

九原臨得水雙足是重城獨許為儒老相憐從騎行
細叢榆塞迥高點雁山晴聖主嗤炎漢無心自勒兵

樂遊園望月

炎靈全盛地明月半秋時今古人同望盈虧節暗移
彩凝雙月迥輪度八川遲共惜鳴珂去金波送酒卮

千葉桃花

千葉桃花勝百花孤榮春晚駐年華若教避俗秦人見
知向河源舊侶誇

春中汎舟

仙郎歸奏

一作秦

過湘東正值三湘二月中惆悵滿川桃

杏醉醉看還與曲江同

雨中怨秋

辭家遠客愴秋風千里寒雲與斷蓬日暮隔山投古寺

鐘聲何處雨濛濛

秋日獨遊曲江

信馬閒過憶所親
秋山行盡路無塵
主人莫惜松陰醉
還有千錢沽酒人

寄別

晚煙洲霧共蒼蒼
河雁驚飛不作行
迴旆轉舟行數里
歌聲猶自逐清湘

邊情

新種如今屢請和玉關邊上幸無他欲知北海苦辛處
看取節毛餘幾多

早發湘中

按節鳴笳中貴催紅旌白旆滿船開迎愁湓浦登城望
遙見荆門積水來

海榴

海榴殷色透簾櫳看盛看衰意欲同若許三英隨五馬
便將濃豔鬪繁紅

春情

暮雨朝雲幾日歸如絲如霧濕人衣
三湘二月春光早
莫逐狂風繚亂飛

送客往荊州

巴丘過日又登城雲水湘東一日平
若愛春秋繁露學
正逢元凱鎮南荊

贈馬鍊師

心嫌碧落更何從月帔花冠冰雪容
行雨若迷歸處路

近南

一作前

惟見祝融峰

湘江泛舟

湘川洛浦三千里
地角天涯南北遙
除却同傾百壺外
不愁誰奈兩魂銷

送別

江岼梅花雪不如
看君驛馭向南徐
相聞不必因來雁
雲裏飛軒落素書

贈竇牟

一作竇洛陽牟見
簡篇章偶贈絕句

直用天才衆却瞋應欺李杜久為塵南荒不死中華老
別玉翻同西國人

御定全唐詩卷二百八十九

欽定四庫全書

御定全唐詩卷二百九十

楊凝

楊凝字懋功由協律郎三遷侍御史為司封員外郎徙
吏部稍遷右司郎中終兵部郎中集二十卷今存一卷

送別

樽酒郵亭暮雲帆驛使歸野鷗寒不起川雨凍難飛吳
會家移遍軒轅夢去稀姓楊皆足淚非是強沾衣

送客東歸

君向古營州邊

一作春

風戰地愁草青縵

一作蒙

別路柳亞

拂孤樓人意傷難醉鶯啼咽不流芳菲只合樂離思返如秋

送客歸湖南

湖南樹色

一作葉

盡了了辨

一作見

潭州雨散今為別雲飛

何處遊情來偏似醉淚迸

一作送

不成流卽向蕭條路緣

湘簟

一作黃

竹愁

送客歸淮南

畫舫照河堤
暄風百草齊
行絲直網蝶
去燕旋遺泥
郡向高天近
人從別路迷
非關御溝上
今日各東西

春情

舊宅洛川陽
曾遊遊俠場
水添楊柳色
花絆綺羅香
趙瑟多愁曲
秦家足豔妝
江潭遠相憶
春夢不勝長

秋夜聽擣衣

砧杵聞秋夜
裁縫寄遠方
聲微漸濕露
響細未經霜
蘭

牖唯遮樹風簾不礙涼雲中望何處聽此斷人腸

從軍行

都尉出居延強兵集五千還將張博望直救范祁連漢
卒悲簫鼓胡姬濕采旃如今意氣盡流淚挹流泉

和直禁省

宵直丹宮近風傳碧樹涼漏稀銀箭滴月度網軒光鳳
詔裁多暇蘭燈夢更長此時顏范貴十步舊連行

留別

玉節隨東閣金閨別舊僚若為花滿寺躍馬上河橋

送客往洞庭

九江歸路遠萬里客舟還若過巴江水湘東滿碧煙

別友人

倦客驚危路傷禽遶樹枝非逢暴公子不敢涕流離

初渡淮北岸

別夢雖難覺悲魂最易銷慙勤淮北岸鄉近去家遙

詠雨

塵泥多人路泥歸足燕家可憐繚亂點濕盡滿宮花

柳絮

河畔多楊柳追遊盡狹斜春風一回送亂入莫愁家

花枕

席上沈香枕樓中蕩子妻那堪一夜裏長濕兩行啼

送客往鄜州

新叅將相

一作畧

事營

一作西

平錦帶驛弓結束輕曉上關

城吟畫角暗馳

一作驅

羌馬發支兵回中地近

一作遠

風常

急郎時年多草自生近喜扶陽係戎相從來衛霍笑長纓

送客往夏州

憐君此去過居延古塞黃雲共渺然沙濶獨行尋

一作尋邊

馬跡路迷遙指戍樓

一作人

煙夜投孤店愁吹笛朝望行

塵避控弦聞有故交今從騎何須著論更言錢

春霽晚望

一作晚

細雨晴深小苑東春雲開氣逐光風雄兒走馬神光上

靜女看花佛寺中
書劍學多心欲嬾
田園荒廢望頻空
南歸路極天連海
惟有相思明月同

唐昌觀玉藥花

瑤華瓊藥種何年
蕭史秦嬴向紫煙
時控綵鸞過舊邨
摘花持獻玉皇前

別李協

江邊日暮不勝愁
送客霑衣江上樓
明月峽添明月照
蛾眉峰似兩眉愁

初次巴陵

西江浪接洞庭波，積水遙連天上河。
鄉信為憑誰寄去，汀洲燕雁漸來多。

上巳

帝京元已足繁華，細管清弦七貴家。
此日風光誰不共，紛紛皆是掖垣花。

春怨

花滿簾櫳欲度春，此時夫婿在咸秦。
綠窗孤寢難成寐，

紫燕雙飛似弄人

送客歸常州

行到河邊從此辭
寒天日遠暮帆遲
可憐芳草成衰草
公子歸時過綠時

送別

春愁不盡別愁來
舊淚猶長新淚催
相思倘寄相思字

子一作
君到揚州揚子廻

送客入蜀

劍閣迢迢夢想間
行人歸路遶梁山
明朝騎馬搖鞭去
秋雨槐花子午關

送別

仙花笑盡石門中
石室重重掩綠空
暫下雲峰能幾日
却迴煙駕馭春風

殘花

五馬踟躕在路岐
南來只為看花枝
鶯銜蝶弄紅芳盡
此日深閨那得知

戲贈友人

湘陰直與地陰連
此日相逢憶醉年
美酒非如平樂貴
十升不用一千錢

贈同遊

首句缺一字

此風雨後已覺減年華
若待皆無事應難更有花
管弦臨夜急榆柳向江斜
且莫看歸路同須醉酒家

送人出塞

北風吹雨雪舉目已悽悽
戰鬼秋頻哭征鴻夜不棲
沙

平關路直磧廣郡樓低此去非東魯人多事鼓鼙

尋僧元皎因病

此僧迷有著因病得尋師話盡山中事歸當月上時高
松連寺影亞竹入窗枝閒憶草堂路相逢非素期

夜泊渭津

飄飄東去客一宿渭城邊遠處星垂岼中流月滿船涼
歸夜深簟秋入雨餘天漸覺家山小殘程尚幾年

晚夏逢友人

一別同袍友相思已十年長安多在客久病忽聞蟬驟
雨纔沾地陰雲不徧天微涼堪話舊移榻晚風前

別謫者

此地聞猶惡人言是所之一家書絕久孤驛夢成遲八
月三湘道聞猿冒雨時不須祠楚相臣節轉堪疑

行思

千里豈云去欲歸如路窮人間無暇日馬上又秋風破
月銜高岳流星拂曉空此時皆在夢行色獨怱怱

感懷題從舅宅

郝家庭樹下幾度醉春風
今日花還發當時事不同
流言應未息直道竟難通
徒遣相思者悲歌向暮空

與友人會

蟬吟槐蘂落的的是愁端
病覺離家遠貧知處事難
真交無所隱深語有餘歡
未必聞歌吹羈心得暫寬

下第後蒙侍郎示意指於新先輩宣恩感謝

才薄命如此自嗟兼自疑
遭逢好交日黜落至公時
倚

王甘無路穿楊却未期更慙君侍坐問許可言詩

御定全唐詩卷二百九十

欽定四庫全書

御定全唐詩卷二百九十一

楊凌

楊凌字恭履少以篇什著聲官終侍御史詩一卷

奉酬韋滁州寄示

淮揚為郡暇坐惜流芳歇散懷累榭風清暑澄潭月陪
燕辭三楚戒途綿百越非當遠別離雅奏何由發

梅里旅夕

滄洲東望路旅櫂愴羈遊楓浦蟬隨岼沙汀鷗轉流露
天星上月水國夜生秋誰忍持相憶南歸一葉舟

鍾陵雪夜訓友人

窮臘催年急陽春怯和歌殘燈閃壁盡夜雪透窗多歸
路山川險遊人夢寐過龍洲不可泊歲晚足驚波

潤州水樓

歸心不可留雪桂一叢秋葉雨空江月螢飛白露洲野
蟬依獨樹水郭帶孤樓遙望山川路相思萬里遊

江上秋月

隴雁送鄉心
羈情屬歲陰
驚秋黃葉遍
愁暮碧雲深
月色吳江上
風聲楚木林
交親幾重別
歸夢併愁侵

閣前雙槿

羣玉開雙槿
丹榮對絳紗
含煙疑出火
隔雨怪舒霞
向晚爭辭藥
迎朝鬪發花
非關後桃李
為欲繼年華

小苑春望宮池柳色

上苑閒遊早
東風柳色輕
儲胥遙掩映
池水隔微明
春

至條偏弱寒餘葉未成和煙變濃淡轉日異陰晴不獨
芳菲好還因雨露榮行人望攀折遠翠暮愁生

送客往睦州

水濶盡南天孤舟去渺然驚秋路傍客日暮數聲蟬

送客之蜀

西蜀三十里巴南水一方曉雲天際斷夜月峽中長

剡溪看花

花落千迴舞鶯聲百轉歌還同異方樂不奈客愁多

江中風

白浪暗江中南泠路不通高檣帆自滿出浦莫呼風

詠破扇

粉落空牀棄塵生故篋留先來無一半情斷不勝愁

賈客愁

山水路悠悠逢灘即殢留西江風未便何日到荊州

即事寄人

中禁鳴鐘日欲高北窗欹枕望頻搔相思寂寞青苔合

唯有春風啼伯勞

早春雪中

新年雨雪少晴時
屢失尋梅看柳期
鄉信憶隨回鴈早
江春寒帶故陰遲

北行留別

日日山川烽火頻
山河重起舊煙塵
一生孤負龍泉劍
羞把詩書問故人

秋原野望

客鴈秋來次第逢家書頻寄兩三封夕陽天外雲歸盡
亂見青山無數峰

春霽花萼樓南聞宮鶯

祥煙瑞氣曉來輕柳變花開共作晴黃鳥遠啼鳩鵲觀
春風流出鳳皇城

明妃怨

漢國明妃去不還馬馱絃管向陰山匣中縱有菱花鏡
羞對單于照舊顏

句

南園桃李花落盡春風寂寞搖空枝

詩式

御定全唐詩卷二百九十一

欽定四庫全書

御定全唐詩卷二百九十二

司空曙

司空曙字文明

初一作

廣平人登進士第從韋臯於劍南

貞元中為水部郎中終虞部郎中詩格清華為大歷十才子之一集三卷今編詩二卷

題玉真觀公主山池院

香殿留遺影
春朝玉戶開
羽衣重素几
珠網儼輕塵

一作

埃石自蓬山得泉經太液來柳絲遮綠浪花粉落青苔
鏡掩鸞空在霞消鳳不迴唯餘古桃一作壇樹傳是上仙
栽

送永陽崔明府

古國羣舒地前當桐柏關連綿江上雨稠疊楚南山沙
館行帆息楓洲一作州又作舟候吏還乘藍若有暇精舍在林
間

送曹三同

一作原

猗

一作桐猗

遊山寺

山蹋青蕪盡涼秋古寺深何時得連策此夜更聞琴窮
水雲同穴過僧虎共林殷勤如念我遺爾挂冠心

送崔校書赴梓幕

碧峰天柱下鼓角鎮南軍管記催飛檄蓬萊輟校文棧
霜朝似雪江霧晚成雲想出褒中望巴庸方路分

送夔州班使君

魚一作蜀

國巴庸路麾幢漢守過曉檣爭市隘夜鼓祭神

多雲白當山雨風清滿峽波夷陵舊人吏猶誦兩岐歌

送蒯潭王明府

業成洙泗客，皓髮著儒衣。
一與遊人別，仍聞帶印歸。
林多宛地古，雲盡漢山稀。
莫愛潯陽隱，嫌官計亦非。

送太易上人赴東洛

遙見登山處，青蕪雪後春。
雲深岳廟火，寺宿洛陽人。
餌藥將齋折，唯詩與道親。
凡經幾回別，塵尾不離身。

和王卿

一作太常

立秋即事

秋宜何處看，試問白雲官。
暗入蟬鳴樹，微侵蝶繞蘭。
向

風涼稍動近日暑猶殘九陌浮埃減千峯爽氣攢換衣
防竹暮沈果訝泉寒宮響傳花杵天清出露盤高禽當
側弁遊鮪對憑欄一奏招商曲空人繼唱難

和李員外與舍人詠玫

冬一作

瑰花寄徐侍郎

仙吏紫薇郎奇花共翫芳攢星排綠蒂照眼發紅光暗

妬翻堦藥

一作葉

遙連直署香遊枝蜂繞易礙刺鳥銜妨

露溼凝衣粉風吹散蕊黃蒙龍珠樹合煥爛錦屏張留

客勝看竹思人比愛棠如傳採蘋詠遠思滿瀟湘

冬夜耿拾遺王秀才就宿因傷故人

舊時聞笛淚今夜重沾衣方恨同人

一作袍

少何堪相見

稀竹煙凝澗壑林雪似芳菲多謝勞車馬應憐獨掩扉

早春遊慈

一作報

恩南池

山寺臨池水春愁望遠生踰橋逢鶴起尋竹值泉橫新

柳絲猶短輕

一作柔

蘋葉未成還如虎溪上日暮伴僧行

雨夜見投之作

出戶繁星盡池塘暗不開動衣涼氣度遶樹遠聲來燈

外初行電城隅偶

一作忽

隱雷因知謝文學曉望比塵埃

龍池寺望月寄韋使君闔別駕

清光此夜中萬古望應同當野山沈霧低城樹有風花

宮紛共遂水府皓相空遙想高樓上唯君對

一作望

庾公

秋夜憶興善院寄苗發

右軍多住寺此夜後池秋自與山僧伴那因洛客愁卷

簾霜靄靄滿目水悠悠若有詩相贈期君憶惠休

病中寄鄭十六兄

一本題下有樂字

倦枕欲徐行開簾秋月明手便筇杖冷頭喜葛巾輕綠
草前侵水黃花半上城虛消此塵景不見十年兄

衛明府寄枇杷葉以詩答

傾筐呈綠葉重疊色何鮮詎是秋風裏猶如曉露前

一作

傳仙方當見重消疾本應便全勝甘蕉贈空投謝氏篇

過慶寶寺

一作耿漳詩題
作廢寶光寺

黃葉前朝寺無僧寒一作閒殿開池晴龜出曝松暮一作暝

鶴飛迴古井一作砌碑橫草陰廊畫雜苔禪宮亦銷一作衰

歇塵世轉堪哀

奉和張大夫酬高山人

野客居鈴閣重門將校稀
豸冠親穀弁龜印識荷衣
座

右

一作
坐久

寒飈

一作
泉

興談餘暮角微蒼生須太傅
山在豈

容歸

送嚴使君遊山

家楚依三戶辭州選一錢
酒杯同寄世客權任銷年赤
燒魚山遠青蕪與浪連
青春明月夜知上鄂君船

送柳震歸蜀

白日雙流靜西看蜀國春
桐花能乳鳥竹節競祠神
蹇步徒相望先鞭不可親
知從江僕射登榻更何人

送樂平苗明府

天際山多處東安古邑

一作邑更

深綠田通竹里白浪隔楓

林詩有江僧和門唯越客
尋應將放魚化一境表吾心

贈送鄭錢二郎中

梅含柳已動昨日起東風
惆悵心徒壯無如鬢作翁
百

年飄若水萬緒盡歸空何可宗禪客遲迴歧路中

酬鄭十四望驛不得同宿見贈因寄張參軍

逢君喜成淚暫似故鄉中謫宦猶多懼清宵不得終月

煙高有鶴宿

一作霜

草淨無蟲明日却超會應思下客同

暮春野望寄錢起

一作耿
漳詩

草長花落樹羸病強尋春無復少年意空餘華髮新青

原高

一作晴

見水白社靜逢人寄謝南宮客軒車不可一作

見親

送王使君小子孝廉登科歸省

年少通經學登科尚佩觿張馮本名士蔡廓是佳兒鞍
馬臨岐路龍鍾對別離寄書胡太守請一作清與故人知

雲陽寺石竹花

一自幽山別相逢此寺中高低俱出一作有葉深淺不分

叢野蝶難爭白庭榴暗讓紅誰憐芳最久春露到秋風

送高勝重謁曹王

江上一作水青楓岸陰陰萬里春朝辭郢城酒暮見洞庭

人興比乘舟訪恩懷倒屣親想君登舊榭重喜掃芳塵
閒園書事招暢當

聞蟬晝眠後欹枕對蓬蒿羸病嬾尋戴田園方詠陶傍
簷蟲挂靜出樹蝶飛高惆悵臨清鏡思君見鬢毛

過錢員外

為郎頭已白跡向市朝稀移病居荒宅安貧著敗衣野
園隨客醉雪寺伴僧歸自說東峰下松蘿滿故扉

贈庾侍御

年少身無累相逢憶此時雪過雲寺宿酒向竹園期白
髮今催老清琴但起悲唯應逐宗炳內學願為師

贈李端

共憶南浮

一作樓

日登高望若何楚田湖草遠江寺海榴
多載酒尋山宿思人帶雪過東西幾回別此會各蹉跎

送流人

聞說南中事悲君重竄身山村楓子鬼江廟石郎神童
稚留荒宅圖書託故人青門好風景為爾一沾巾

過胡居士

一作湖上

覩王右丞遺文

舊日相知盡深居獨一身閉門空

一作唯

有雪看竹永無

人每許前山隱曾憐陋巷貧題詩今尚在暫為拂流

一作

留塵

送郎使君赴郢州

使君持節去雲水滿前程楚寺多連竹江橋遠暎城登樓向月望賽廟傍山行若動思鄉詠應貽謝步兵

賊平後送人北歸

世亂同南去時清獨北還
他鄉生白髮舊國見青山
曉月過殘壘繁星宿故關
寒禽與衰草處處伴愁顏

觀獵騎

一作公
子行

纏臂繡綸巾貂裘窄稱身
射禽風助箭走一作驟馬雪翻

一作飛塵金埒爭開道香車為駐輪
翩翩不知處傳一作應

是霍家親

同苗員外宿薦福常師房

一作秋
喜盧綸同宿寺

浮生共多故聚宿喜君同人
息時聞磬燈搖乍有風霜

堦疑

一作寒
霜疑

水際夜木似山中一願持

一作
投

如意長來

事遠公

送喬廣下第歸淮南

遙想長淮盡荒堤楚路斜
戍旌標白浪罟網入青葭
啼

一作
歸

鳥仍臨水愁人更見

一作
看

花東堂一枝在為子惜

年華

風箏

高風吹玉柱萬籟忽齊飄
颯樹遲難度縈空細漸銷
松

泉鹿門夜笙鶴洛濱朝坐與真僧聽支頤向寂寥

閒居寄苗發

漸向浮生老前期竟若何獨身居處靜永夜坐時多厭

逐青林客休吟白雪歌支公有遺寺重與謝一作戴安過

送王先生歸南山

儒中年最老獨有濟南生愛子方傳業無官自耦耕竹

通山舍遠雲接雪一作玉田平願作門人去相隨隱姓名

寄天台秀師

天台瀑布寺傳有白頭師幻跡示一作是羸病空門無住

持雪晴看鶴去海夜與龍期永願親鉗屨呈功一作澄心得

問疑

送夏侯審赴寧國

青圻連白浪曉日渡南津山疊陵陽樹舟多建業人煙

霞高占一作古寺楓竹暗停一作亭神如接玄暉集江丞獨

一作城猶見親

雲陽館與韓紳一作韓升卿宿別

故人江海別幾度隔山川乍見翻疑夢相悲各問年孤
燈寒照雨溼竹暗浮煙更有明朝恨離杯惜共傳

送盧使君赴夔州

鏡管隨旌旆高秋遠上巴白波連霧雨青壁斷蕪葭凭
几雙童靜登樓萬井斜政成知變俗當應畫輪車

夜聞回雁

雁響天邊過高高望不分颼颼傳細雨嘹唳隔長雲散
向誰家盡歸來幾客聞還將今夜意西海話蘇君

賦得的的帆向浦

向浦參差去，隨波遠近還。
初移芳草裏，正在夕陽間。
隱映回孤驛，微明出亂山。
向空看不盡，歸思滿江關。

秋思呈尹植裴說

一本題下有鄭洞二字

靜向嬾相偶，年將衰共催。
前途懽不一作未集，往事恨空

來。晝景委紅葉，月華銷

一作鋪

綠苔。沈思竟何有，坐結玉

琴哀。

閒園即事寄陳公

欲就東林寄一身尚憐兒女未成人柴門客去殘陽在
藥圃蟲喧秋雨頻近水方同梅市隱曝衣多笑阮家貧
深山蘭若何時到羨與閒雲作四隣

題暕上人院

閉門不出自焚香擁褐看山歲月長雨後綠苔生石井
秋來黃葉遍繩牀身閒何處無真性年老曾言一作來隱
故鄉更說本師同學在幾時攜手見一作向衡陽

長安曉望寄程補闕

一作色
何詩

迢遞山河擁帝京參差宮殿接雲平
風吹曉漏經長樂
柳帶晴煙出禁城
天淨笙歌臨路發

一作奏

日高車馬隔

塵行獨有淺才甘未達多慙名在魯諸生

下第日書情寄上叔父

微才空覺滯京師末學曾為叔父知
雪裏題詩偏見賞
林間飲酒獨令隨
遊客盡傷春色老
貧居還惜暮陰移
欲歸江海尋山去
願報何人得桂枝

南原

一作浦

望漢宮

荒原空有漢宮名
衰草茫茫堆堞平
連雁下時秋水在
行人過盡暮煙生
西陵歌吹何年絕
南陌登臨此日情
故事悠悠不可問
寒禽野水自縱橫

早夏寄元校書

獨遊野徑送

一作自

芳菲高竹林
居接翠微綠
岸草深蟲

入徧青
藂花盡蝶來
稀珠荷薦果
香寒簟玉柄
搖風滿
夏衣蓬革永
無車馬到更
當齋夜憶元
暉

贈衡岳

一作岳陽

隱禪師

擁褐安居南岳頭，白雲高寺見衡州。
石窗湖水搖寒月，楓樹猿聲報夜秋。
講席舊逢山一作沙鳥至，梵經初向竺

僧求垂垂

一作自如

身老將傳法，因下人間遂北

一作逐此

遊

題凌雲寺

春山古寺遶滄波，石磴盤空鳥道過。
百丈金身開翠壁，萬龕燈焰隔煙蘿。
雲生客到侵衣溼，花落僧禪覆地多。
不與方袍同結社，下歸塵世竟如何。

晦日益州北池陪宴

臨泛從公日仙舟翠幕張七橋通碧沼一作澗雙樹接花

塘玉燭收寒氣金波隱夕光野聞一作間歌管思水靜綺

羅香遊騎縈林遠飛撓截岸長郊原懷灞澹陂澹寫江

潢常侍傳花詔偏裨問羽觴豈令南峴首千載播餘芳

送曲山人之衡州

白石先生眉髮光一作老已分甜一作紺雪飲紅漿衣巾半

染煙霞氣一作色語笑蕪和藥草香茅洞玉聲流暗水衡

山碧色一作氣暎朝陽千年城郭如相問華表幾幾有夜

霜

立秋日

律變新秋至蕭條自此初花酣蓮報謝葉在柳呈疎澹

日非

一作月多

雲映清風似雨餘卷簾涼暗度迎

一作却

扇暑

先除草靜多翻燕波澄乍露魚今朝散騎省作賦興何如

詠古寺花

共愛芳菲此樹中千跗萬萼

一作蕊

裏

一作裏

枝紅遲遲欲

去猶回望覆地無人滿寺風

酬張芬有赦後見贈

一作司空圖詩

紫鳳朝銜五色書陽春忽布

一作報

網羅除已將心變寒

灰後豈料光生腐草餘建水風煙收客淚杜陵花竹夢
郊居勞君故有詩相贈欲報瓊瑤恨不如

哭苗員外呈張參軍

苗公即參軍舅氏

思君甯家宅久接竹林期嘗值偷琴處親聞比玉時高
人不易合弱冠早相知

一作追

試藝臨諸友能文即我師

凌寒松未老先暮槿何衰
季子生前別羊曇醉後悲
壽堂乖一慟奠席阻長辭
因慙殊方淚遙成墓下詩

金陵懷古

輦路江楓暗宮庭野草春
傷心庾開府老作北朝臣

發渝州却寄韋判官

紅燭津亭夜見君
繁弦急管兩紛紛
平明分一作手空

江轉唯有猿聲滿一作水雲

送盧徹之太原謁馬尚書

榆落鵬飛闕塞秋黃雲畫角見并州翩翩羽騎雙旌後

上客親

一作新

隨郭細侯

峽口送友人

峽口花飛欲盡春天涯去住淚沾巾來時萬里同為客
今日翻成送故人

故郭婉儀挽歌

一日辭秦鏡千秋別漢宮豈唯泉路掩長使月輪空苦
色凝朝露悲聲切暝風婉儀餘舊德仍載禮經中

送翰林張學士嶺南勒聖碑

漢恩天外洽周頌日邊稱
文獨司空美書兼太尉能出
關逢北雁度嶺逐南鵬
使者翰林客餘春歸灞陵

送吉校書東歸

少年芸閣吏罷直暫歸休
獨與親知別行逢江海秋
聽猿看楚岫隨雁到吳洲
處處園林好何人待子猷

早春遊望

東風春未足試望秦城曲
青草狀寒蕪黃花似秋菊
壯

將歡共去老與悲相逐獨作遊社人暮過威輦宿

秋日趨府上張大夫

重城洞啟肅秋煙共說羊公在鎮年鞞鼓暗驚林葉落
旌旗遙拂雁行偏石過橋下書曾受星降人間夢已傳
謫吏何能沐風化空將歌頌拜車前

竹裏徑

幽徑行迹稀清陰苔色古蕭蕭風欲來乍似蓬

一作蓬山

雨

黃子陂

岸芳春色曉水影夕陽微寂寂深煙裏漁舟夜不歸

田鶴

散下渚田中隱見菰蒲裏哀鳴自相應欲作凌風起

藥園

春園芳已遍綠蔓雜紅英獨有深山客時來辨藥名

石井

苔色遍春石桐陰入寒井幽人獨汲時先樂殘陽影

板橋

橫遮野水石前帶荒村道來往見愁人清風柳陰好

石蓮花

今逢石上生本自波中有紅豔秋風裏誰憐衆芳後

遠寺鐘

杳杳疎鐘發因

一作月

風清復引中宵獨聽之似與東林

近

松下雪

不隨晴野盡獨向深松積落照入寒光偏能伴幽寂

新柳

全欺芳蕙晚似妬寒梅疾撩亂發青條春風來幾日

唐昌公主任看花

遺殿空長閉乘鸞自不回至今荒草上寥落舊花開

別張讚

今日山晴後殘蟬菊發時登樓見秋色何處最相思

晚思

蛩餘窗下月草溼堦前露晚景淒我衣秋風入庭一作何

樹

留一作別盧秦卿一作郎士元詩

知有前期在難分一作歡如此夜中無將故人酒不及石尤

一作古淳風

登峴亭

峴山回首望秦關南向荊州幾日還一作一身放故向荆蠻平楚茫茫失

關路今日登臨唯有淚不知風景在何山

哭麴山人

一作耿
漳詩

憶昔秋風起君曾歎逐臣何言芳草日自作九泉人

過堅上人故院與李端同賦

舊依支遁宿曾與戴顓來今日空林下唯知見綠苔

病中嫁女妓

萬事傷心在目前一身垂淚對花筵黃金用盡教歌舞
留與他人樂少年

江村即事

釣罷歸來不繫船
江村月落正堪眠
縱然一夜風吹去
只在蘆花淺水邊

欽定四庫全書

御定全唐詩卷二百九十三

司空曙

送鄭明府貶嶺南

青楓江色晚楚客獨傷春共對一尊酒相看萬里人猜
嫌成謫宦正直不防身莫畏災方久年年雨露新

寄衛明府常見短靴褐裘又務持誦是以有末
句之贈

柴桑官舍近東林兒稚初髻即道心側寄繩牀嫌凭几
斜安苔幘懶穿簪高僧靜望山僮逐走吏喧來水鴨沈
翠竹黃花皆佛性莫教塵境誤相侵

酬李端校書見贈

綠槐垂

一作初

穗乳烏飛忽憶山中獨未歸青鏡流年看

髮變白雲芳草與心違乍

一作多

逢酒客春

一作朝

遊慣久

別林僧夜坐稀昨日聞君到城闕莫將簪弁勝

一作責

荷

衣

過盧秦卿舊居

五柳茅茨楚國賢
桔槔蔬圃水涓涓
黃花寒後難逢蝶
紅葉晴來忽有蟬
韓康助採君臣藥
支遁同看內外篇
為問潛夫空著論
如何一作侍從賦甘泉

秋園

一本題下有
戲題二字

傷秋不是惜年華
別憶春風碧玉家
強向衰叢見芳意
茱萸紅實似繁華

送王使君赴太原拜節度副使

新從劉太尉結束向并州
絡腦青絲騎盤囊錦帶鉤
出關逢將校下嶺擁戈矛
匣一作雪閉黃雲冷山傳畫角秋
劒鋒將破虜函一作遠道罷登樓
豈作書生老當封萬戶侯

擬百勞歌

朱絲紐

一作細

弦金點雜雙蒂芙蓉共開合
誰家稚女著

羅裳紅粉青眉嬌暮妝木難

一作栖

作牀牙作席雲母屏

風光照壁玉顏年幾新上頭迴身

一作頭

斂笑多自羞紅

銷月落不復見可惜當時誰拂面

迎神

吉日兮臨水沐青蘭兮白芷假山鬼兮請東皇託靈均
兮邀帝子次參差兮正苦舞婆娑兮未已鸞旌圓蓋望
欲來山雨霏霏江浪起神既降兮我獨知目成再拜為

陳詞

送神

神之去迴風嫋嫋雲容與桂尊瑤席不復陳蒼山綠水

暮愁人

殘鶯百轉歌同王員外耿拾遺吉中孚李端遊
慈恩各賦一物

殘鶯一何怨百轉相尋續始辨下將高稍分長復促綿
蠻巧狀語機節終如曲野客賞應遲幽僧聞詎足禪齋
深樹夏陰清零落空餘三兩聲金谷箏中傳不似山陽
笛裏寫難成憶昨亂啼無遠近晴宮曉色偏相引送暖
初隨柳色來辭芳暗逐花枝盡歌殘鶯歌殘鶯悠然萬

感生謝朓羈懷方一聽何郎閒吟本多情乃知衆鳥非
儔比暮噪晨鳴倦人耳共愛竒音那可親年年出谷待
新春此時斷絕為君惜明日玄蟬催髮白

過終南

一本有山字

柳處士

雲起山蒼蒼林居蘿薜荒幽人老深境素髮與青裳

一作

囊雨滌莓苔綠風搖松桂

一作
菡萏

香洞泉分溜

一作
派

淺巖

筍出藁長敗屨安松砌餘基在石牀書名一為別還路

已堪傷

春送郭大之官

明府之官官舍春春風辭我兩三人可憐江縣閒無事
手板支頤獨詠貧

送鄭錫

曙曾事此
公季父

漢陽雲樹清無極蜀國風煙思不堪莫怪別君偏有淚
十年曾事晉征南

同張參軍喜李尚書寄新琴

新琴傳鳳凰晴景稱高張白玉連徽淨朱絲繫

一作
弦繫爪

長輕埃隨拂拭雜

一作新

籟滿鏗鏘暗想山泉合如親蘭

蕙芳正聲消鄭衛古狀掩笙簧遠識賢人意清風願激揚

苦熱

暑氣發炎州焦煙遠未收嘯風兼熾燄揮汗訝成流
鵲投林盡龜魚擁石稠漱泉齊飲酎衣葛劇兼裘長簟
貪欹枕輕巾嬾挂頭招商如有曲一為取新秋

送人歸黔府

伏波簫鼓水雲中
長戟如霜大旆紅
油幕曉開飛鳥絕
翩翩上將獨趨風

雜興

月沒遼城暗出師
雙龍金角曉天悲
黃塵滿目隨風散
不認將軍燕尾旗

歲暮懷崔峒耿漳

臘月江天見春色
白花青柳疑寒食
洛陽舊社各東西
楚國遊人不相識

觀妓

翠蛾紅臉不勝情
管絕弦餘發一聲
銀燭搖搖塵暗下
却愁紅粉淚痕生

過長林湖西酒家

湖草青青三兩家
門前桃杏一般花
遷人到處唯求醉
聞說漁翁有酒賒

過閭采病居

每逢佳節何曾坐
唯有今年不得遊
張邴卧來休送客

菊花楓葉向誰秋

送程秀才

悠悠多路岐相見又別離
東風催節換燄燄春陽散
楚草漸煙綿江雲亦蕪漫
送子恨何窮故闕如夢中
遊人盡還北旅雁辭南國
楓樹幾回青逐臣歸不得

長林令衛象錫絲結歌

主人瑀盤盤素絲寒女眷眷墨子悲乃言

一作
荅乃

假使錫

為之八珍重沓失顏色手援玉筋不敢持始狀芙蓉新

出水仰坼重衣傾萬蕊又如合歡交亂枝紅茸向暮花
參差吳蠶絡蠶抽尚絕細縷纖毫看欲滅雪髮羞垂倭
墮鬟繡囊畏並茱萸結我愛此絲巧妙絕世間無為君
作歌陳座隅

酬崔峒見寄

一作江湖秋思

趨陪禁掖雁行隨

一作拂

遷放江潭鶴髮垂素浪遙疑太

液水青楓忽似萬年枝嵩南春遍愁

一作傷

菟夢壺

一作湖

口雲深隔路歧共望漢朝多沛澤蒼蠅早晚得先知

聞春雷

水國春雷早闐闐若衆車自憐遷逐者猶滯蟄藏餘

晚秋西省寄上李韓二舍人

晝漏傳清唱天恩

一作隅一本缺

禁旅秋雁親承露掌砧隔曝

衣樓賜膳中人送餘香侍女收仍聞勞上直晚步鳳池頭

下武昌江行望涪陽

悠悠次

一作向

楚鄉楚

一作樊

口下涪陽雪隱洲渚暗沙高

蘆荻黃漁人共留滯水鳥自喧翔懷土年空盡春風又
淼茫

送史申之峽州

峽口巴江外

一作水

無風浪亦翻蒹葭新有雁雲雨不離

猿行客思鄉遠愁人賴酒昏檀郎好聯句共一作莫滯謝
家門

送王閏

相送臨寒水蒼然望故關江蕪連夢澤楚雪入商山話

我他年舊看君此日還

一作間

因將自悲淚一灑別離間

江園書事寄盧綸

種柳南江邊閉門三四年豔花

一作俗人

那勝竹凡鳥不如

蟬嗜酒漸嬰

一作思

渴讀書多欲眠平生故交在白首遠

相憐

送鄭況往淮南

西楚見南關蒼蒼落日間雲離大雷樹潮入秣陵山登
戍因高望停橈放溜閒陳公有賢榻君去豈空還

題江陵臨沙驛樓

江天清更愁風柳入江樓雁惜楚山晚
蟬知秦樹秋淒涼多獨醉零落半同遊
豈復一作獲平生意蒼然蘭杜洲

新蟬

一作耿
漳詩

今朝蟬忽鳴遷

一作
霸

客若為情便

一作
漸

覺一年老

一作
謝

能令萬感生微風方

一作
初

滿樹落日稍沈城為問同懷

者淒涼聽幾聲

送張弋

擁權江天曠蒼然下郢城冰霜葭蒹變雲澤鷓鴣鳴酒
倦臨流醉人逢置榻迎嘗聞藉東觀不獨魯諸生

送僧無言歸山

袈裟出塵外山徑幾盤緣人到白雲樹鶴沈青草田龕
泉朝請盥松籟夜和禪自昔聞多學逍遙注一篇

和盧校書文若早入使院書事

第六句
缺一字

解帶獨裴回秋風如水來軒墀濕繁露琴几拂輕埃晨
鳥猶在葉夕蟲餘苔蒼然發高興相仰坐難陪

送史澤之長沙

謝朓懷西府單車觸火雲
野蕉依戍客廟竹暎湘君
夢渚巴山斷長沙楚路分
一杯從別後風月不相聞

田家

田家喜雨足鄰老相招攜
泉溢溝塍壤麥高桑柘低
呼

兒催放犢宿

一作邀

客待烹雞搔首蓬門下
如一作知將軒

冕齊

送盧堪

羈貧不易去此日始西東旅舍秋霖葉

一作林夜

行人寒

一作

塞草風酒醒餘恨在野餞暫遊同莫使禰生刺空留懷

袖中

送柳震入蜀

粉堞連青氣喧喧雜萬家夷人祠竹節蜀鳥乳桐花酒
報新豐景琴迎抵峽斜多聞滯遊客不似在天涯

送李嘉祐正字括圖書兼往揚州覲省

不事蘭臺貴全多韋帶風儒官比劉向使者得陳農晚

燒平蕪外朝陽疊浪東歸來喜調膳寒筍出林中

送劉侍御

獄成收夜燭整舄出登車黃葉辭荆楚青山背漢初
朝新羽衛晚下步徒胥應念長沙謫思鄉不食魚

送龐判官赴黔中

天遠風煙異西南見一方亂山來蜀道諸水出辰陽
堆案青油暮看棋畫角長論一作文誰可制記室有何郎

送人遊嶺南

萬里南遊客交州見柳條逢迎人易合時日酒能消浪
曉浮青雀風溫解黑貂囊金如未足莫恨故鄉遙

送曹同

一作
桐椅

青春

一作
山

三十餘衆藝盡無如中散詩傳畫將軍扇續

書楚田晴下雁江日暖遊

一作
多

魚惆悵空相送歡遊自

此疎

送鄂州張別駕襄陽覲省

蒼蒼峴亭

一作
峯

路臘月漢陽

一作
江

春帶雪半山寺行沙

隔水人王祥因就宦萊子不違親正恨殊鄉別千條楚
柳新

送魏季羔遊長沙覲兄

一本無季字

蘆荻湘江水蕭蕭萬里秋鶴高看迴野蟬遠入中流訪
友多成滯攜家不厭遊惠連仍有作知得從兄酬

雜言

伏餘西景移風雨

一作與

灑輕絺燕拂青蕪地蟬鳴紅葉

枝

翫花與衛象

一作衛長林

同醉

衰鬢千莖雪

一作白

他鄉一樹花今朝與君醉忘却在長

沙

送王尊師歸湖州

煙蕪滿洞青山遶幢節飄空紫鳳飛金闕乍看迎日麗
玉簫遙聽隔花微多開石髓供調膳時御霓裳奉易衣
莫學遼東華表上十年始欲一迴歸

九日洛

一作落

東亭

風息斜陽盡遊人曲落間採花因覆酒行草轉看山柳
散新霜下天晴早雁還傷秋非騎省玄髮白成斑

九日送人

送人冠解豸值節佩茱萸均賦徵三壤登車出五湖水
風淒落日岸葉颼衰蕪自恨塵中使何因在路隅

哭王注

已歎漳濱卧何言駐隙難異才傷促短諸友哭門闌古
道松聲暮荒阡草色寒延陵今葬子空使魯人觀

遇谷口道士

一見林中客，閒知州縣勞。
白雲秋色遠，蒼嶺夕陽高。
自說名因石，誰逢手種桃。
丹經儻相授，何用戀青袍。

喜外弟盧綸見

一作訪宿

靜夜四無隣，荒居舊業貧。
雨中黃葉樹，燈下白頭人。
以我獨沈久，愧君相見頻。
平生自有一作有深分，況是蔡家親。

深上人見訪憶李端

雁稀秋色盡，落日對寒山。
避事多稱疾，留僧獨閉關。
心

歸塵俗外道勝有無間仍憶東林友相期久不還

宿青龍寺故壘上人院

年深宮院在舊客自相逢閉戶臨寒竹無人有夜鐘降
龍今已去巢鶴竟何從坐見繁星曉淒涼識舊峯

送張鍊師還峩嵎山

太一天壇天柱西垂蘿為幌

一作挽

石為梯前登靈境青

霄絕下視人間白日低松籟

一作韻

萬聲和管磬丹光五

色雜虹

一作雲

蛻春山一入尋無路鳥響煙深

一作深林

水滿

溪

逢江客問南中故人因以詩寄

南客何時去相逢問故人望鄉空淚落嗜酒轉家貧疎
嬾辭微祿東西任老身上樓多看月臨水共傷春五柳
終期隱雙鷗自可親應憐折腰吏冉冉在風塵

送臯法師

江草知寒柳半衰行吟怨別獨遲遲何人講席投如意
唯有東林遠法師

送鄭佶歸洛陽

蒼蒼楚色水雲間
一醉春風送爾還
何處鄉心最堪羨
汝南初見洛陽山

分流水

古時愁別淚
滴作分流水
日夜東西流
分流幾千里
通塞兩不見
波瀾各自起
與君相背飛
去去心如此

和耿拾遺元日觀早朝

元日一作朔
爭朝闕
奔流若會溟
路塵和薄霧
騎火接低

星門響

一作漏促

雙魚鑰車喧百子鈴冕旒當翠殿幢戟滿

彤庭積

一作表

歲方編瑞乘春即省

一作宵

刑大官

一作諸侯

陳

禹玉司厯獻堯蓂壽酒三觴退簫韶九奏停太陽開物

象霈澤及生靈南陌高山碧

一作祥光紫

東方曉氣青自憐

揚子賤歸草太玄經

塞下

一作曲

寒柳接胡桑軍門向大荒幕營隨月鬼兵氣長星芒橫
吹催春酒重裘隔夜霜冰開不防虜青草滿遼陽

關山月

蒼茫明月上夜久光如積野幕冷胡霜闕樓宿邊客隴
頭秋露暗磧外寒沙白唯有故鄉人霑裳此聞笛

御製雨後出城觀覽敕朝臣已下屬和

上上開鵷野師師出鳳城因知聖主念得一作能遂老農

情隴麥垂秋合郊塵得雨清時新薦玄祖歲足富一作布

蒼生却馬川原靜聞雞水土平薰弦歌舜德和鼎致堯
名覽物欣多稼垂衣御大明史官何所錄稱瑞滿天京

奉和常舍人

一本有
表字

晚秋集賢院即事寄徐薛

二侍郎

藹藹鳳凰宮蘭臺玉署通夜霜凝樹羽朝日照相風官

附

一作
亞

三台貴儒開百氏宗司言陳禹命

一作
拜

侍講發

堯聰香卷青編內鉛分綠字中綴籤從太史鐫珮揖羣

公池接天泉碧林交御果紅寒龜登故

一作
敗

葉秋蝶戀

疎藂顏謝徵文並鐘裴直

一作
議

事同離羣驚海鶴屬思

怨江楓地遠姑蘇外山長越絕東慙當哲匠後下曲本

難工

題鮮于秋

一作
映

林園

雨後園林好幽行迴

一作迴
又作向

野通遠山芳草外流水落

花中客醉悠悠慣鶯啼處處同夕陽

一作傷春

自一望日暮

杜陵東

登秦嶺

南登秦嶺頭回首始堪憂漢闕青門遠商山藍水流三
湘遷客去九陌故人遊從此思鄉淚雙垂不復收

獨遊寄衛長林

草綠春陽動遲遲澤畔遊戀花同野蝶愛水劇江鷗身
外唯須醉人間盡一作半是愁那知鳴玉者不羨賣瓜侯

望水

高樓一作原

晴見水楚色靄相和野極空如練一作雪

天遙

不辨波永無人跡到時有鳥行過況是蒼茫外殘陽照

最一作更多

望商山路

南見青山道依然去國時已甘長避地誰料有還期雨
霽殘陽薄人愁獨望遲空殘華髮在前事不堪思

題落葉

霜景催危葉今朝半樹空蕭條故國異零落旅人同飄
岸浮寒水依堦擁夜蟲隨風偏可羨得到洛陽宮

一作城中

寄準上人

昨聞歸舊寺暫別欲經年樵客應同步

一作出

鄰僧定伴

禪後峯秋有雪遠澗夜鳴泉偶與支公論人間自共傳

送況上人還荊州因寄衛侍御象

惠持遊蜀久策杖欲

忽一作

西還共別此宵月獨歸何處

山對鷗沙草畔洗足野雲間知有元暉會齋心受八關

別盧綸

一作綸
別曙詩

有月多同賞無秋不共悲如何與君別又是菊黃時

雪二首

樂遊春苑望鸞毛宮殿如星樹似毫漫漫一川橫渭水

太陽初出五陵高

王屋南崖見洛城石龕松寺上方平半山
榭葉當窗下一夜曾聞雪打聲

酬衛長林歲日見呈

地暖雪花摧天春斗柄迴朱泥一丸藥
柏葉萬年杯旅雁辭人去繁霜滿鏡來
今朝彩盤上神燕不須雷

杜鵑行

一作杜
甫詩

古時杜宇稱望帝魂作杜鵑何微細
跳枝竄葉樹木中搶翔瞥捩雌隨雄
毛衣慘黑自顛顚衆鳥安肯相尊崇

隳形不敢栖華屋短翮唯願巢深叢穿皮啄朽觜欲禿
苦飢始得食一蟲誰言養雛不自哺此語亦足為愚蒙
聲音咽噦若有謂號啼畧與嬰兒同口乾垂血轉迫促
似欲上訴於蒼穹蜀人聞之皆起立至今相效傳遺風
乃知變化不可窮豈知昔日居深宮嬪妃左右如花紅

寄胡居士

日暖風微南陌頭青田紅樹起春愁伯勞相逐行人別
岐路空歸野水流徧地尋僧同看雪誰期載酒共登樓

為言惆悵嵩陽寺明月高松應獨遊

寒塘

曉髮梳臨水寒塘坐見秋鄉心正無限一雁度南樓

為李魏公賦謝汧公

白雲高吟際青霄遠望中誰言路遐曠宮徵暗相通

梁城老人怨

一作陳羽詩

朝為耕種人暮作刀槍鬼相看父子血共染城壕水

御定全唐詩卷二百九十三

欽定四庫全書

御定全唐詩卷二百九十四

崔峒

崔峒博陵人登進士第為拾遺集賢學士終於州刺史
藝文傳云終右補闕大歷十才子之一也詩一卷

揚州選蒙相公賞判雪後呈上

自得山公許休畊海上田慙看長史傳欲棄釣魚船窮
巷殷憂日蕪城雨雪天此時瞻相府心事比旌懸

客舍書情寄趙中丞

東楚復西秦，浮雲類此身。
關山勞策蹇，僮僕慣投人。
孤客來千里，全家託四鄰。
生涯難自料，中夜問一作見親情。

客舍有懷因呈諸在事

讀書常苦節，待詔豈辭貧。
暮雪猶驅馬，晡食又寄人。
愁來占吉夢，老去惜良辰。
延首平津閣，家山日已春。

書懷寄楊郭李王判官

慣作雲林客，因成懶漫人。
吏欺從政拙，妻笑理家貧。
李

郭應時望王楊入幕頻從容丞相閣知憶故園春

奉和給事寓直

桂枝家共折雞樹代相傳忝向鸞臺下仍看鴈影連夜
閒方步月漏盡欲朝天知去丹墀近明王許薦賢

初入集賢院贈李獻仁

曾於常
山聯官

燕代官初罷江湖路便分九遷從命薄四十幸人聞跡
愧趨丹禁身曾繫白雲何由返滄海昨日謁明君

酬李補闕雨中寄贈

十年隨馬宿幾度受人思白髮還鄉井微官有子孫竹
窗寒雨滴苦砌夜蟲喧獨媿東垣友新詩慰旅魂

初除拾遺酬丘二十二見寄

一作初拜命
酬丘丹見贈

江海久垂綸朝衣忽掛身丹墀初一作方謁帝白髮免羞

人才愧文章士名當諫諍臣空餘薦賢分一作力不敢負

交親

劉展下判官相招以詩答之

國有非常寵家承異姓勲背恩慙皎日不義若浮雲但

使忠貞在甘從玉石焚竄身如有地夢寐見明君

送侯山人赴會稽

仙客辭蘿月東來就一官且歸滄海住猶向白雲看
援叫江天暮蟲聲野浦寒時遊鏡湖裏為我把魚竿

宿禪智寺上方演大師院

石林

一作床

高幾許金刹在中峰白日空山梵清

一作晴

霜

後夜鐘竹窗迴翠壁苔徑入寒松幸接無生法疑心怯
所從

題空山人石室

早晚悟無生，頭陀不到城。
雲山知夏臘，猿鳥見修行。
地僻無溪路，人尋逐水聲。
年年深谷裏，誰識遠公名。

登蔣山開善寺

一作李
嘉祐詩

山殿秋雲裏，香煙出翠微。
客尋朝磬至，一作食僧背夕陽

歸下界，千門見前朝。
一作期萬事非看心，一作食魚送目葭菼暮

依依

題崇福寺禪院

僧家竟何

一作更無

事掃地與焚香清磬度山翠閒雲來竹

房身心塵外遠歲月坐中長向晚禪堂掩

一作閒

無人空

夕陽

秋晚送丹徒許明府赴上國因寄江南故人

秋暮之彭澤籬花遠近逢君書前日至別後此時重寒

夜江邊月晴天海上峰還知南地

一作北

客招引住新豐

送薛仲方歸揚州

佳句應無敵貞心不有猜

一作暫回

慙為丈人行怯見後生

才泛舸貪斜月浮橈值早梅綠楊新過雨芳草待君來

送韋員外還京

十年離亂後此去若為情春晚香山綠人稀豫

一作水

清野陂看獨樹關路逐殘鶯前殿朝明主應憐白髮生

潤州送友人

見君還此地灑淚向江邊國士勞相問家書無處傳荒

城胡

一作閑

馬跡塞木戍人煙一路堪愁思孤舟何渺然

送張芬東歸

喧喧五衢上鞍馬自驅馳落日臨阡陌貧交欲別離早
知時事異堪豈一作與世人隨握手將何贈君心我獨知

送蘇脩遊上饒

爰爾無羈束雲山恣意過一身隨遠岫孤棹任輕波世
事關情少漁家寄宿多蘆花淺淡泊一作船處江月奈人何

送陸明府之盱眙

陶令之官去窮愁慘別魂白煙橫海戍紅葉下一作淮
村澹浪搖山郭平蕪到縣門政成堪吏隱免負一作就府

公恩

江南迴逢趙曜因送任十一赴交城主簿

江上長相憶因高北望看不知攜老幼何處度艱難屈
指同人盡傷心故里殘遙憐驅足馬白首到微官

送薛良史往越州謁從叔

辭家年

一作日

已久與子分偏

一作仍

深易得相思

一作思鄉

淚

難為欲別心孤雲隨浦口幾日到山陰遙想蘭亭下清

風滿竹林

送丘二十二之

一作歸蘇州

積水與寒煙嘉禾路幾千孤猿啼海島羣雁起湖田曾

見

一作寄

長洲苑

一作沙什

嘗聞大雅篇却將封事去知爾愛

一作意閒眠

登潤州芙蓉樓

上古人何在東流水不歸往來潮有信朝暮事成非煙
樹臨沙靜雲帆入海稀郡樓多逸興良牧謝玄暉

江上書懷

骨肉天涯別江山日落時淚流襟上血髮變一作白鏡中

絲胡越書難到存亡夢豈知登高回首罷形影自相隨

春日憶姚氏外甥

離亂人相失春秋鴈自飛祇緣行路遠未必寄書稀二月花無數頻年意有違落暉看過後獨坐淚沾衣

送真上人還蘭若

得道雲林久一作下年深暫一歸出山逢世亂乞食覺人

稀半偈初傳法中一作千峰又掩扉愛憎一作離應不染塵

俗自依依

潤州送師弟自江夏往台州

遠客乘流去孤帆向夜開
春風江上使前日漢陽來別
路猶十里離心重一杯剡溪木未落羨爾過天台

送李道士歸山

秋城臨古路城上望君還
曠野入寒草獨行隨遠山授
人鴻寶內將犬白雲間早晚燒丹罷遙知冰雪寒

宿江西竇主簿廳

與此公亡
兄聯官

廣庭方緩步星漢詒中移月滿關山

一作水關

道鳥

一作鳥

啼

霜樹枝時艱難會合年長重親知前事成金石悽然淚
欲垂

喜逢妻弟鄭損因送入京

亂後自江城相逢喜復驚為經多載別欲問小時名對
酒悲前事論文畏後生遙知盈卷軸紙貴在江城

詠門下畫小松上元王杜三相公

一作錢起詩

昔聞生澗底今見起毫端衆草此時沒何人知歲寒豈

能裨棟宇且貴出門關只在丹青意凌雲也不難

寄上禮部李侍郎

吳楚相逢處江湖共泛時任風舟去遠待月酒行遲白

髮常同歎青雲本要期貴來君却少秋至老偏悲

一作堪

一作愁去
我先悲

玉佩明朝盛蒼苔陋巷滋追尋恨無路唯有

夢相思

書情寄上蘇州韋使君兼呈吳縣李明府

數年湖上謝浮名竹杖紗巾遂性情雲外有時逢寺宿

日西無事傍江行
陶潛縣裏看花發
庾亮樓中對月明
誰念獻書來萬里
君王深在九重城

題桐廬李明府官舍

一作贈同
官李明府

訟堂寂寂對煙霞
五柳門前聚曉一作集曉
鷗流水聲中視

公事寒山影裏見
人家觀風競一作共美
新為政計日還

知舊一作應更觸邪
可惜陶潛無限酒
一作興不逢
籬菊正開

花

贈竇十九

時公車待
詔長安

靈臺暮宿意多違
木落花開美客歸
江海幾時傳錦字
風塵不覺化緇衣
山陽會裏同人少
灞曲農時故老稀
幸得漢皇容直諫
憐君未遇覺人非

虔州見鄭表新詩因以寄贈

梅花嶺裏見新詩
感激情深過楚詞
平子四愁今莫比
休文八詠自同時
萍鄉露冕真堪惜
鳳沼鳴珂已訝遲
才子風流定難見
湖南春草但相思

贈元秘書

舊書稍稍出風塵孤客逢秋感此身秦地謬為門下客
淮陰徒笑市中人也聞阮籍尋常醉見說陳平不久貧
幸有故人茅屋在更將心一作問事問情親

送韋八少府判官歸東京

玄成世業紫真官文似相如貌勝潘鴻鴈南飛人獨去
雲山一別歲將闌清淮水急桑林晚古驛霜多柿葉寒
瓊樹相思何日見銀鈎數字莫為難

送馮八將軍奏事畢歸滑臺幕府

王門別後到滄洲帝里相逢俱白頭
自歎馬卿常帶疾還嗟李廣不封侯
棠梨宮裏瞻龍袞細柳營中著虎裘
想到滑臺桑葉落黃河東注杏園秋

送王侍御佐婺州

一作郎士元詩題云蓋少府新除江南尉問風俗

聞君作尉

一作不須惆悵

向江潭吳越風煙到自諳
客路尋常

經竹徑

一作隨竹影

人家大底傍山嵐
緣溪花木偏宜遠避

地衣冠盡向

一作在

南惟有夜猿啼
海樹思鄉望北

一作國

意難堪

越中送王使君赴江華

皂蓋春風自越溪獨尋芳樹

一作草

桂陽西遠水浮雲隨

馬去空山弱篠向雲低遙知異政荆門北舊許新詩康
樂齊萬里相思在何處九疑殘雪白猿啼

送皇甫冉往白田

江邊盡日雉鳴飛君向白田何日歸楚地蒹葭連海迥
隋朝楊柳映堤稀津樓故市無行客山館空庭閉落暉
試問疲人與征戰使君雙淚定沾衣

題蘭若

絕頂茅菴老此生寒雲孤木獨經行
世人那得知幽逕

遙向青

一作中

峰禮磬聲

送賀蘭廣赴選

而今用武爾攻文流輩于時獨卧雲
白髮青袍趨會府
定應衡鏡却慙君

清江曲內一絕

折腰體

八月長江去浪平
片帆一道帶風輕
極目不分天水色

南山南是岳陽城

武康郭外望許緯先生山居

湖上千峰帶落暉
白雲開處見柴扉
松門一逕仍生草

應是仙人

一作先生

向郭稀

御定全唐詩卷二百九十四

欽定四庫全書

御定全唐詩卷二百九十五

苗發

苗發宰相晉卿之子終都官員外郎大厯十才子之一
也詩二首

送司空曙之蘇州

盤門吳舊地蟬盡草秋時歸國人皆久移家君獨遲廣
陵經水宿建鄴有僧期若到西霞寺應看江總碑

送孫德諭罷官

一作任

往黔州

孫父曾牧此州因寄家也

中歲分符典石城
兩朝趨陛謁承明
闕下昨承歸老疏
天南今切去鄉情
親知握手三秋一作回
別几杖扶身萬
里行
伯道暮年無嗣子
欲將家事託門生

吉中孚

吉中孚鄱陽人大歷十才子之一始為道士後官校書
郎登宏辭興元中歷翰林學士戶部侍郎詩一卷今存
一首

送歸中丞使新羅冊立弔祭

官稱漢獨坐身是魯諸生絕域通王制窮天向水程島
中分萬象日處轉雙旌氣積魚龍窟濤翻水浪聲路長
經歲去海盡向山行復道殊方禮人瞻漢使榮

夏侯審

夏侯審大厯十才子之一官侍御史詩一首

詠被中繡襪

雲裏蟾鉤落鳳窩玉郎沈醉也摩挲陳王當日風流減

只向波間見襪羅

王烈

王烈大歷間人詩五首

行路難

行客滿長路路長

一作難

良足哀白日持角弓射人而取

財千金誰家子紛紛死黃埃見者不敢言言者不得回
家人各望歸豈知長不來

雪

雪飛當夢蝶風度幾驚人半夜一窗曉平明千樹春花
園應失路白屋忽為鄰散入仙厨裏還如雲母塵

酬崔尚

徇世甘長往逢時忝一官欲朝青瑣去羞向白雲看榮
寵無心易艱危抗節難思君寫懷抱非敢和幽蘭

塞上曲二首

紅顏歲歲老金微砂磧年年卧鐵衣白草城中春不入
黃花戍上鴈長飛

孤城夕對戍樓閒
迴合青冥萬仞山
明鏡不須生白髮
風沙自解老紅顏

衛象

衛象大歷間江南詩人官侍御詩二首

傷李端

才子浮生促
泉臺此路賒
官卑楊執戟
年少賈長沙
人去門栖鵬
災成酒誤蛇
唯餘封禪草
留在茂陵家

古詞

鵲血凋

一作調

弓濕未乾鷓鴣新淬

一作染

劍光

一作花

寒遼

東老將鬢成雪猶向旄頭夜夜看

崔季卿

崔季卿尚之從孫詩一首

晴江秋望

八月長江萬里晴千帆一道帶風輕盡日不分天水色

洞庭南是岳陽城

何兆

何兆蜀人詩二首

贈兄

洛陽紙價因兄貴
蜀地紅牋為弟貧
南北東西九千里
除兄與弟更無人

玉蘂花

一作嚴
休復詩

羽車潛下玉龜山
塵世何緣覩薜顏
惟有多情天上雪
好風吹上綠雲鬟

句

芙蓉十二池心漏
蒼蘊三千灌頂香

見蕉氏筆乘

奚賈

奚賈富春人詩三首

嚴陵灘下寄常建

日入溪水靜尋真此亦難
乃知滄洲人道成仍

一作成道因

釣竿漾槫乘

一作坐

微月振衣生早寒
紛吾成獨往自速

耽考槃已息漢陰
誚且同濠上觀曠然心無涯
誰問容

膝安

謁李尊師

萬物返常性惟道貴自然先生容

一作亦

其微隱几為列

仙鍊魄閉瓊戶養毛飛洞天將知道遙久得道無歲年

尋許山人亭子

桃源若遠近漁子櫂輕舟川路行難盡人家到漸幽山禽拂席起溪水入庭流君是何年隱如今成白頭

句

眠澗花自落步林鳥不飛

谿谷何蕭條日入人獨行

落日下平楚孤煙生洞庭

見詩式

御定全唐詩卷二百九十五

欽定四庫全書

御定全唐詩卷二百九十六

張南史

張南史字季直幽州人好奕碁其後折節讀書遂入詩境以試參軍避亂居揚州再召未赴而卒詩一卷

富陽南樓望浙江風起

南樓渚風起樹杪見滄波稍覺征帆上蕭蕭暮雨

一作五兩

多沙洲殊未極雲水更相和欲問任公子垂綸意若何

奉酬李舍人秋日寓直見寄

秋日金華直遙知玉佩清
九重門更肅五色詔初成
槐落宮中影鴻高苑外聲
翻從魏闕下江海寄幽情

同韓侍郎秋朝使院

重門啓曙闕一葉報秋還
露井桐柯濕風庭鶴翅閒
忘情簪白筆假夢入青山
惆悵祇應此難裁語默間

送朱大

一作文

遊塞

一作送朱大北遊

歲暮

一作欲

為別江湖聊自寬且無人事處

一作戀

誰謂

客行難郢曲，憐公子。吳州憶伯鸞，蒼蒼遠山際。
松柏獨宜寒。

送鄭錄事赴太原

歎息不相見，紅顏今白頭。重為西候別，方起北風愁。
六月胡天冷，雙城汾水流。盧諶即故吏，還復向并州。

送余贊善使還赴薛尚書幕

音書不可論，河塞雪紛紛。雁足期蘇武，狐裘見薛君。
城池通紫陌，鞍馬入黃雲。遠棹一作憶漳渠水，平流幾處分。

送李侍御入茅山採藥

苦縣家風在茅山道錄傳
聊聽驄馬使却就紫陽仙
江海生岐路雲霞入洞天
莫令千歲鶴飛到草堂前

寄中書李舍人

昨宵淒淒處對月與臨風
鶴病三江上蘭衰百草中
題詩隨謝客飲酒寄黃翁
早歲心相待還因貴賤同

和崔中丞中秋月

秋夜月偏明西樓獨有情
十家看露濕萬里覺天清
映

水金波動銜山桂樹生不知飛鵲意何用此時驚

西陵懷靈一上人兼寄朱放

淮海風濤起江關憂思長同悲鵲遶樹獨坐雁隨陽山

晚雲藏

一作和

雪汀寒月照霜由來濯纓處漁父愛滄浪

寄靜虛上人雲門

寒日白雲裏法侶自提攜竹徑通城下松門隔水西方

同沃洲去不自武陵迷髮鬢心疑

一作如

處高峯是會稽

送司空十四北遊宋州

九拒危城下蕭條送爾歸寒風吹盡角暮雪犯征衣道
里猶成間親朋重與違白雲愁欲斷看入大梁飛

殷卿宅夜宴

日暗城烏宿天寒櫪馬嘶詞人留上客妓女出中閨積
雪連燈照迴廊映竹迷太常今夜宴誰不醉如泥

宣城雪後還望郡中寄孟侍御

一作立春後開
元觀送強文學

還京

臘後年華變關西驛騎遙塞鴻連暮雪江柳動寒條山

水還鄣郡圖書入漢朝高樓非別處故使百憂銷

獨孤常州北亭

北溷敞高明憑軒見野情朝回五馬跡更勝百花名海
樹凝煙遠湖田見鶴清雲光侵素壁水影蕩閒楹俗賴
褰帷謁人歡倒屣迎始能崇結構獨有謝宣城

早春書事奉寄中書李舍人

儒服山東士衡門洛下居風塵遊上路簡冊委空廬戎
馬生郊日賢人避地初竄身初浩蕩投跡豈躊躇翠羽

憐窮鳥瓊枝顧散樗還令親道術倒欲混樵漁敝緼袍
多補飛蓬鬢少梳誦詩陪賈誼酌酒伴應璩鶴膝兵家
備鳧茨儉歲儲泊舟依野水開筵接園蔬暫閱新山澤
長懷故里間思賢乘朗月覽古到荒墟在竹慙充箭為
蘭幸免鋤那堪聞相府更遣詣公車蹇足終難進顰眉
竟未舒事從因病止生寄負恩餘不見神仙久無由鄙
怯祛帝庭張禮樂天閣繡簪裾日色浮青瑣香煙近玉
除神清王子敬氣逐馬相如銅漏時常靜金門步轉徐

唯看五字表不記八行書宿昔投知己周旋謝起予祇
應高位隔詎是故情疎為報周多士須憐楚子虛一身
從棄置四節苦居諸柳發三條陌花飛六輔渠靈盤浸
沉瀼龍首映儲胥北海樽留客西江水救魚長安同日
遠不敢詠歸歟

陸勝

一作瑛

宅秋暮雨中探韻同作

同人永日自相將深竹閒園偶辟疆已被秋風教憶鱸
更聞寒雨勸飛觴歸心莫問三江水水旅服徒一作從沾九

日一作月霜醉裏欲尋騎馬路蕭條幾處有垂楊

春日道中寄孟侍御

春來游子傍

一作傷

歸路時有白雲遮

一作邀

獨行水流亂

赴石潭響花開

一作發

不知山樹名誰家魚網求鮮食幾

處人煙事火耕昨日已嘗村酒熟一杯思與孟嘉傾

江北春望贈皇甫補闕

閒園柳綠井桃紅野逕荒墟左右通清迥獨連江水平

芳菲更似洛城東時看雨歇人

一作雲

歸岫每覺潮來樹

起風聞道金門堪避世何須身與海鷗同

酬張二倉曹楊子閒居見寄兼呈韓郎中左補

闕皇甫冉

孤雲獨鶴自悠悠別後經年尚泊舟漁父致詞相借問
仙郎能賦許依投折芳遠計三春草乘興閒看萬里流
莫怪杜門頻乞假不堪扶病拜龍樓

秋夜聞鴈寄南十五兼呈空和尚

一作和
空上人

晚節聞君道趣深結茅栽樹近東林禪

一作大

師幾度曾

摩頂高士何年更發心
北渚三更聞過鴈
西城萬木動寒砧
不見支公與玄度
相思擁膝坐長吟

雪

以下六首俱一字至七字

雪雪花片玉屑結陰風
凝暮節高嶺虛晶平原
廣潔初從雲外飄還向
空中噎千門萬戶皆靜
默炭皮裘自熱此時雙
舞洛陽人誰悟郢中歌
斷絕

月

月月暫盈還缺上虛空
生溟渤散彩無際移輪
不歇桂

殿入西秦菱歌映南越正看雲霧秋卷莫待闕山曉沒
天涯地角不可尋清光永夜何超忽

泉

泉泉色淨苔鮮石上激雲中懸津流竹樹脉亂山川扣
玉千聲應含風百道連太液併歸池上雲陽舊出宮邊
北陵井深鑿不到我欲添淚作潺湲

竹

竹竹披山連谷出東南殊草木葉細枝勁霜停露宿成

林處處雲抽笋年年玉天風乍起爭韻池水相涵更綠
却尋庾信小園中間對數竿心自足

花

花花深淺芬葩凝為雪錯為霞鶯和蝶到苑占宮遮已
迷金谷路頻駐玉人車芳草欲陵芳樹東家半落西家
願得春風相伴去一攀一折向天涯

草

草草折宜看好滿地生催人老金殿玉砌荒城古道青

青千里遙悵悵三春早每逢南北離別乍逐東西傾倒
一身本是山中人聊與王孫慰懷抱



御定全唐詩卷二百九十六